



Na osnovu član 32.stav. 1 Zakona o javnim nabavkama Bosne i Hercegovine ( Službeni glasnik BiH broj 39/2014 ) , a nakon provedenog konkurentskog postupka sa objavljivanjem obavještenja na portalu broj 410-7-1-231-3-12/15 Objavljeno dana: 07.04.2015.godine, **dana 04.08.2015. zaključen je**

## OKVIRNI SPORAZUM

između:

**KJKP PARK d.o.o. SARAJEVO**, ul. Patriotske lige broj 58, kojeg zastupa  
Direktor Safet Baltić, dipl.ecc  
(u daljem tekstu Naručilac usluga)

IB 4200258320003

I PDV 200258320003

PB 01071316

T.R. 161 000 000 8150048 Raiffeisen bank d.d Sarajevo BiH

i

**„CENTROTRANS EUROLINES“ d.d. Sarajevo** kojeg zastupa  
direktor mr.sc. Safudin Čengić (u daljem tekstu Davalac usluga)

IB 4200258320003

I PDV 200258320003

PB 01632004

T.R. 3383202251241969 Unicredit banka Sarajevo BiH

## UVOD

### Član 1.

Na osnovu provedenog konkurentskog postupka javne nabavke sa objavom obavještenja s namjerom zaključenja okvirnog sporazuma sa jednim ponuđačem za razdoblje od (3) tri godine na osnovu člana 32.stav 1 Zakona o javnim nabavkama KJKP“Park“ d.o.o. je odlukom broj: JN-294-10 odabrao „CENTROTRANS EUROLINES“ d.d. Sarajevo , kao ponuđača sa najnižom cijenom u skladu sa objavljenim kriterijima za donošenje odluke o izboru te uvjetima i zahtjevima iz dokumentacije za nadmetanje.

### Član 2.

Na osnovu ovog okvirnog sporazuma naručilac će izdati naruđbenicu za pružanje usluga tehničkog pregleda vozila prema konkurentskom postupku sa objavljivanjem obavještenja na portalu e-nabavke broj 410-7-1-231-3-12/15 objavljeno dana: 07.04.2015.godine, prema specifikaciji sa cijenama a prema Ponudi Ponuđača broj JN- 364-1 od 28.04.2015. koja je sastavni dio ovog sporazuma.

## **PREDMET I TRAJANJE OKVIRNOG SPORAZUMA**

### **Član 3.**

(1) Predmet ovog okvirnog sporazuma je utvrđivanje uslova za pružanje usluga tehničkog pregleda vozila za potrebe naručioca usluga, a prema specifikaciji sa cijenama koji se nalazi u prilogu ovog okvirnog sporazuma i čini njen sastavni dio.

(2) Ovaj okvirni sporazum se zaključuje na razdoblje od (3) tri godine i tokom navedenog perioda se predviđa izdavanje narudžbenica o javnoj nabavci od strane naručioca usluga kojim će se za određeno razdoblje tačno navesti dinamika pružanja usluga s tim da smanjenje orijentacionih količina ne može uticati na fiksne jedinične cijene.

## **II PROCJENJENA VRIJEDNOST NABAVKE**

### **Član 4.**

Procjenjena vrijednost nabavki se procjenjuje na iznos od **6.308,25 KM bez PDV-a** (slovima: šesthiljadatristotineosam i 25/100 KM).

### **Član 5.**

Naručilac će na osnovu okvirnog sporazuma izdati pojedinačnu narudžbenu ponudu s kojim je zaključen okvirni sporazum.

Ponuđač je dužan da pruži usluge pod uslovima utvrđenim ovim sporazum bez ponovnog zahtjeva za dostavu ponuda i po cijenama i uslovima utvrđenim ovim sporazumom

### **Član 6.**

Vrijednost naručene usluge iz člana 4 ne može biti veća od navedenog iznosa i utvrdit će se putem pojedinačnih narudžbi naručioca kojom će biti precizirane stvarne količine i dinamika isporuke .

Smanjenje orijentacionih količina ne može uticati na fiksne jedinične cijene

### **Član 7.**

Jedinične cijene koje je ponuđač ponudio su nepromjenljive i ne mogu se mijenjati u toku trajanja okvirnog sporazuma na paritetu fco servisna mjesta Davaoca usluga.

### **Član 8.**

Naručilac usluga se ne obavezuje naručiti sve količine navedene u ovom sporazumu .

Količine koje su navedene u specifikaciji sa cijenama su okvirne.

Okvirni sporazum ne predstavlja ugovor o pružanju usluga, odnosno ne utvrđuje obavezu naručioca da zahtijeva od ponuđača bilo koju uslugu, već se podrazumijeva da ako naručiocu usluga bude potrebna neka od usluga navedena u specifikaciji sa cijenama, tada će naručilac tražiti od Davaoca usluga pružanje usluge.

## **III ROK PRUŽANJA USLUGE**

### **Član 9.**

Davalac usluge se obavezuje pružiti uslugu iz člana 2. i Priloga broj 1. ovog Okvirnog sporazuma u obimu preciziranom pojedinačnom narudžbom naručioca usluge u roku od 3 (tri) dana računajući od dana prijema narudžbe od strane naručioca.

#### **IV ROK I NAČIN PLAĆANJA**

##### **Član 10.**

Naručilac usluga se obavezuje za pružene usluge iz člana 1 ovog Okvirnog sporazuma platiti Davaocu usluge u roku od 60 (šezdeset) dana od dana pružene usluge od strane Davaoca usluge na osnovu fakture koju je obavezan ispostaviti Davalac usluge.

#### **V KVANTITATIVNI I KVALITATIVNI PRIJEM**

##### **Član 11.**

Kvalitativno i kvantitativno pružanje usluge iz člana 1. ovog Okvirnog sporazuma Davalac usluge se obavezuje izvršiti odmah po prijemu.

Za eventualnu razliku u količini, odnosno za oštećenja ili slabiji kvalitet od ugovorenog Naručilac je dužan sačiniti zapisnik kojeg će najkasnije u roku od osam dana dostaviti Davaocu usluge na odobrenje.

Davalac usluge se obavezuje priznati one reklamacije koje su praćene odgovarajućom dokumentacijom.

Kod reklamacije Naručilac je dužan navesti tačan broj i datum otpremnice, te račun Davaoca usluge kako bi se zadovoljili uslovi reklamacijskog roka od osam dana.

Nakon reklamacijskog roka od osam dana reklamacije se neće uvažavati, osim za usluge koje nisu mogle biti utvrđene prilikom pružene usluge.

#### **VI OSTALE ODREDBE**

##### **Član 12.**

U slučaju propusta Davaoca usluge u izvršavanju Okvirnog sporazuma, Naručilac može uz dostavljanje Davaoca usluge pismene obavijesti o neizvršavanju ovog Okvirnog sporazuma prekinuti ugovorni odnos u cjelini ili u njegovom dijelu, ako Davaoca usluge ne ispravi svoj propust u roku od sedam dana nakon prijema obavijesti o propustu u izvršavanju ovog Okvirnog sporazuma.

##### **Član 13.**

Rok trajanja ovog Okvirnog sporazuma utvrđuje se u periodu od 3 (tri) godine računajući od dana obostranog potpisa ovog Okvirnog sporazuma, ili po isteku vrijednosti ugovora.

##### **Član 14.**

Ako Davaoca usluge ne pruži usluge naručiocu u ugovorenom roku dužan je platiti ugovornu kaznu u iznosu od 0,2% (dva promila) računajući od vrijednosti konkretne narudžbe za svaki dan prekoračenja ugovorenog roka. Ukupan iznos ugovorne kazne ne može preći iznos od 5% (pet odsto) vrijednosti konkretne narudžbe.

##### **Član 15.**

Svaka strana može otkazati ovaj sporazum bez obrazloženja sa otkaznim rokom od 30 (trideset) dana.

## Član 16.

Ako slučaj više sile potpuno ili djelomično spriječi izvršenje obaveza po ovom Okvirnom sporazumu, svaka strana je obavezna obavijestiti drugu stranu u roku od 2 (dva) dana od dana nastanka više sile.

## Član 17.

Strane potpisnice ovog sporazuma su saglasne da će sve eventualne izmjene i dopune ovog Okvirnog sporazuma regulisati novim ugovorima u skladu sa Zakonom o javnim nabavkama BiH.

## Član 18.

Sve eventualne sporove strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

## Član 19.

Ovaj Okvirni sporazum stupa na snagu danom obostranog potpisa obje strana po ovlaštenim licima.

## Član 20.

Sve izmjene i dopune ovog Okvirnog sporazuma mogu se vršiti isključivo i samo uz pismenu saglasnost ugovornih strana.

## Član 21.

Sastavni dio ovog Okvirnog sporazuma čine:

1. Specifikacija sa cijenom iz Ponuda Prodavca broj JN-364 od 28.04.2015.
2. Prilog br.1

## Član 22.

Ovaj Okvirni sporazum je sačinjen u 6 (šest) jednakih primjeraka od kojih naručilca zadržava 4 (četiri), a 2 (dva) primjerka se uručuju Ponuđaču.

Za Davaoca usluga  
**DIREKTOR**  
Sarajevo  
Mr.sc. Safudin Cengić  
Broj: 1/9520/15  
Sarajevo, 19.08.2015

Za naručioca usluga:  
**DIREKTOR**  
Safet Baltić, dipl.ecc

Broj: JN-364-1  
Sarajevo, 04.08.2015.

Z.A.N. HADŽIĆ OMERIĆ